



**«Pertgei Dieus ha buca tarmess siu Fegl el  
mund, er ch'el trueschi il il mund,  
mobein per ch'il mund vegni spindraus  
entras el.» (Gn 3,17)**

Plaid pastoral per la quarta dumengia  
da Cureisma 2024

Joseph Maria Bonnemain,  
uestg da Cuera

**Avis per ils texts liturgics :**

**Lecziuns da la quarta dumengia da Cureisma, onn B**

1. Lecziun: 2 Cr 36,14-16.19-23

2. Lecziun: Ef 2,4-10

Evangelii: Gn 3,14-21

*Quei plaid pastoral sa vegnir prelegius ni miraus sco messadi da video en tuts survetschs divins la quarta dumengia da Cureisma, ils 10. da mars 2024.*

*Per mintga dumengia dil temps da Cureisma vegn tarmess tier ad uras a mintga pleiv in plaid pastoral corrispundent cun il messadi da video.*

*Ils messadis pastorals vegnan mintagmai gliendisdis suenter mintga dumengia da Cureisma dai liber.*

Caras soras, cars frars

Il messadi principal digl evangeli dalla quarta dumengia da Cureisma plaida dalla nuviala cristiana che serenovescha permanentamein. Ei vala la peina da meditar ella. Ella secloma: “Pertgei Dieus ha buca tarmess siu Fegl el mund, per ch’el trueschi il mund, mobein per ch’il mund vegni spindraus entras el.”

Cristus ei il Spindrader e Salvader dalla carstgaunadad, il Spindrader da scadin carstgaun. El stat a nus damaneivel. El ei adina cun nus. El “ch’ei rehs en misericordia”, pren sin el la crusch. El spendra “en sia gronda carezia” il destin dil mund e dalla historia, sco Paulus scriva alla cuminonza dad Efesus. Dieus regala aunc oz al mund siu salit. El regala quel ord grazia e buca sin fundament dad ovras ni merets.

A quella cardientscha duessan nus returnar. Grazia ad ella savein nus contemplar il mund cun fidonza e speronza. Il mund ei buns. Dieus ha scaffiu el. El careza el. El careza nus. Lein buca persecuitar ils eveniments el mund cun pessimissem ni cun ina nostalgia per temps vargai. Vesper nér pil futur porta nuot. La carezia divina sa e vegn a midar tut en bien.

Lein buca truar e criticar nos concarstgauns. Lein buca

separar ils schinumnai buns dils schinumnai schliats, ils cartents dils nuncartents, nos amitgs da nos inimitgs. Lein discriminar negin pervia da sia naziunalitad, sia vesta dil mund, sia orientaziun ni pregiudicaziun sexuala. In lungatg iester, in'otra color dalla pial, in'otra religiun, cultura ni tradiziun astga buca separar nus. Lein carezar la diversitad sco Dieus careza ella. Aschia mussein nus, che nossas “ovras ein fatgas en Diu”.

Dumengia proxima, ils 17 da mars, ha liug il pelegrinadi per pasch da nies uestgiu a Sachseln, tier sogn frà Clau. Ei fuss fetg bi, sche biars carstgauns ord tuttas regiuns da nies uestgiu e d'ordeifer pelegrinassan cun mei en quei liug. Da cuminonza urein nus per la pasch el mund, oravontut per quellas cuntradas e quels carstgauns che piteschan ussa sut las uiaras che furieschan.

Unius ell'oraziun culs megliers auguris salidel jeu Vus cordialmein.

+ *Joseph Maria*

Joseph Maria Bonnemain, uestg da Cuera